



To. Colin Sculp. Remis. 1663.

CLARISSIMO NOBILISSIMOQVE VIRO DOMINO D.
IOANNI DE GOMONT
 REGI A SANCTIORIBVS CONSILIIS
 CELEBERRIMO IN SVPREMO SENATV PATRONO
 XENODOCHII PARISIENSIS NOSOCOMIIQVE GENERALIS
 ADMINISTRO VIGILANTISSIMO.

QUAMVIS ad illud dignitatis fastigium tua te virtus euekerit (NOBILISSIME VIR) ut grauioribus ipsius regni negotijs intentum nefas sit animum interpellare; solita nihilominus humanitate fretus, coram te sisto solemnem quam Medici saniores habent cum Paracelsistis controuersiam: cuius si Patronum ac iudicem te semel adhibes, irrita concident aduersariorum tela; tantus est tui nominis splendor, tanta doctrina, ac iudiciorum auctoritas. Quis enim absolutissimam hanc non demiretur ac suspiciat animi tui praestantiam, quam vitae integritas, morum facilitas & candor, consiliorum dexteritas, ad ardua quaeque suscipienda & ad optatum finem perducenda natus ardor, in disceptandis componendisque litiis solertia, cultus erga res diuinas eximius, & in ipsos inopes sollicitudo verè paterna tantoperè commendant. Tam splendida sanè virutium omnium congeries, sic populi, totius Senatus, ac Galliae Primatum tibi deinxit animos, ut omnes exploratum habeant quantis merita tua cumularerit beneficijs Pomponius Bellieureus, supremi Senatus Princeps Illustrissimus, qui moriens probitatem tuam pretiosissimo munere decorauit. Mirabitur ipsa posteritas quantà gratiā valueris apud Eminētissimum Cardinalem & Ducem Richelium qui te eo donauit honore, ut esses à sanctioribus Regni Consilijs, nec ingrata reticebit quanti te fecerit immortalis Julius qui te suorum Principem adiunxit, in omni dignitate rerum praeclarè gestarum gloriā clarissimum. Plura ne referam vetant animi tui moderatio, publicique status, cui inuigilas, commodum: Itaque te solum obiecto, Remensis Patriae decus alterum, ut haec lucubrationes, seu umbratiles obstrictæ notas obseruantia, serena suscipias fronte: cujus fauore nunquam non memor nobilitati tuae Nestores precabor annos, tuisque debitam meritis immortalitatem.

